



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

Gavanti, Bartolommeo

Antverpiæ, 1646

De Dominica de Passione, & Hebdomada maiori. VII.

urn:nbn:de:hbz:466:1-40214

De Dominica de Passione, & Hebdomada
maiori. VII.

IN primis Vesperis Dominicæ do-
Passione velantur Cruces & Ima-
gines, *ex Carim. Episc. lib. 2. c. 20.* hoc
est ante Vespertas; velum autem non
debet habere secum aliam imaginem :
& illud velum, quo teguntur Cruces,
sit poriùs violaceum quam nigrum (al-
bum nequaquam) nisi aliud statuatur
infra. quo ritu significatur, iam Chri-
stum non in palam ambulasse apud
Iudeos hoc tempore, & abscondisse
se, ut in Euangelio Dominicæ dicitur.

2 *Ruper. lib. 5. cap. 1.* probat, veri-
similiter in Vesperris Sabbati ante Do-
minicam de Passione coactum fuisse
Concilium aduersus Iesum; ideoque
mœstitia maior conuenit Ecclesiasticis
Officijs : & hinc in Introitu tacetur
Gloria Patri apud quosdam, inquit ille;
sed *Ordo Rom.* exprefse omittit, vt
& nos humilitati studentes omitta-
mus excelsa nostra, ait *Alcuin.*

3 Omittitur etiam *Iudica me Deus.*
ita *Gemma lib. 4. cap. 117.* & quia Offi-
cia huius Dominicæ sunt media inter
dies Quadragesimæ & sequentes de
Passione, ideo fortè dicta est ab *Ord.*
Rom. Dominicæ mediana, vt etiam à
Gelasio Dif. tit. preced. num. 15. citata.

4 De duabus Orationibus, non tri-
bus, & de Praefatione de Cruce dixi-
mus in 1. par. *Rubr. tit. 9. & 12. pa-*
gina 26. & 41. testatur autem *Micro-*
logus cap. 50. Praefationem de Cruce
non dici solitam ante Palmas, qui mos
durauit usque ad Pium V. à quo sta-
tuta est Praefatio de Cruce ab ipsa Do-
minica de Passione.

5 In Sabbato ante Palmas Offi-
ciūm non est Gregorianum, *ex Amal.*

lib. 1. cap. 9. tamen congruum legitur
Euangelium, in quo habetur, quod
in crastinum turbæ obviaueret Christo;
ergo, quæ narrantur initio, conti-
gerunt hac die. Officium Missæ, hoc
est Introitus, Graduale, Offertorium,
& Communio, sunt de Feria 6. præ-
cedenti; quia olim Sabbathum vacans
dicebatur, & quo Papa eleemosy-
nas dabat.

6 Dominica Palmarum dicta est in
Ord. Rom. Palmarum, sive Florum, si-
ue Ramorum, Hosanna, Pascha peti-
tum, sive competentium, id est simul
petentium Symbolum ante Bapti-
sum, *ex Alcuino,* & Capitolarium,
quia in hac die lauabantur capita w-
gendorum in Sabbato sancto, *ex Isid.*
lib. 1. cap. 27. item Hebdomada maior,
apud Chrysost. Hom. 30. in cap. 10. Gen.
quo nomine eam vocat etiam *Clem.*
lib. 8. Conf. 39. vel quia in ea maxima
parsimonia, vel quia in ea Officium
maiis celebratur, *Ordo Roman.* addit
Micro. cap. 52. Maiorem dici, ob san-
ctissimum Dominicæ Passionis sacra-
mentum. *Idem. Chrysost.* appellat Ma-
gnam, quia magna, inquit, & ineffabili-
lia bona in ea contigent. Item appella-
tur Indulgientæ, ob penitentes ab-
soluendos publicè, *Honor. in Gem. li-
bro 3. cap. 72.* Item Pœnosa, & Sancta,
ob Christi passionem, & impios iustifi-
catorum, *Durand. lib. 6. cap. 67.* Au-
thentica, *in Officio Ambrosiano.* & dici-
tur etiā Ultima à S. Ambro. *Epist. 33.*
quia ultima est Quadragesimæ.

In benedictione Ramorum Rubri-
cas attende Missalis, quibus addemus
alias minutiores de more,

7 Com-

7 Completa Tertia, & facta aspersione aquæ, more solito, Sacerdos induitus Pluniali violaceo, vel sine casula, cum ministris similiter indutis, ^b procedit ad benedicendum ramos palmarum, & olinarum, sine aliarum arborum, ^c in medio ante Altare, vel ad cornu Epistolæ positos. Et primò cantatur à Choro Antiphona.

Benedictionis Palmarum mentio est anno 877. apud Baron. sub Ioanne VIII.

Aspersio aquæ, de qua Rubr. fit à Sacerdore statim ac venerit ante Altare.

Acolyti ante aspersionem aquæ deponant candelabra super Credentia.

a Ministris similiter indutis.] Hoc est simili colore, sed sine Dalmaticis, cum Casulis plicatis, vel in albis, iuxta supradicta tit. 19. num. 6. & 7. par. 1. pag. 68. & 70. Manipulos autem in hoc casu Ministri portant, quia cantaturi sunt Epistolam & Euangeliū.

b Procedit ad benedicendum.] De Sacristia iam venit Celebrans, præce-

dentibus Acolythis cum candelabris, vt ante Missam, sine Thuriferario, & cum Ministris, capite cooperito, hinc inde à latere Celebrantis, vt in simili casu Cærimon. Episcop. lib. 1. cap. 15. & lib. 2. cap. 30. & 31: quia Pluniale habet. Quare verbum procedit hoc loco non significat motum localem à Sacristia, sed quod, finita aspersione, prosequitur benedictionem Palmarum, ascendendo ad Altare, quod osculatur in medio, & deinde in cornu Epistolæ cantando, vt in Missali.

c In medio ante Altare.] Ita Ordo Romanus. sed est commodius, quod ad cornu Epistolæ ponantur Palmæ & rami.

8 Deinde Sacerdos stans in cornu Epistolæ, non vertens se ad populum, dicit in tono Orationis Missæ Ferialis, Dominus vobiscum.

Non diducit manus, sed iunctas eas tenet, etiā ad Oremus, & ad Orationes; quia sumus extra Missam. & Ministri

pares sint Celebranti hinc inde, vt, quando erit opus, cōmodius Diaconus eleuet fimbriam Plunialis à dextris.

9 Postea Subdiaconus in loco solito cantat sequentem Lectionem in tono Epistolæ, & in fine osculatur manum Sacerdotis.

Eadē prorsus facit quæ pro Epistola Missæ; in cuius fine non tamen defert librū Celebrantis ad cornu Euan-

gelij, quod legit Celebrans, si velit, in cornu Epistolæ; & resumit, si ea vtitur, Planetam plicatam Subdiaconus.

10 Interim dum cantatur Rg. Diaconus ponit librū Evangeliorum super Altare: & Sacerdos, ministrante Diacono nauiculam, ponit incensum in Thuribulo. Deinde Diaconus dicit, Munda cor meum, accipit librū de Altari, petit benedictionem à Sacerdote: postea Sub-

Hh diacone

242 Comment. in Rubr. Missalis. Pars IV. Tit. VII.

diacono librum tenente, medio inter duos Acolythos tenentes candelabra accensa, signat librum, incensat, & cantat Euangelium, ut infrà, more consueto: quo finito, Subdiaconus defert librum osculum Sacerdoti, qui & incensatur à Diacono.

Non discedit Celebrans à cornu Epistolæ. Omnia fiunt, etiam à Thuriferario, prout ad Euangelium Missæ diximus 2. par. tit. 6. num. 5. pag. 127.

hic addit tamen, quod si Diaconus Casula plicata vtitur, incensato Celebrante priorem resumit, eo modo quo diximus pag. 68.

11 Post hæc benedicuntur rami. Sacerdos stans in eodem cornu Epistolæ dicit in tono Orationis ferialis, Dominus vobiscum.

Eodem modo cantat Prafationem manibus iunctis, assistentibus hinc inde Ministris, cum quibus dicit Sanctus, &c. cùm autem manu benedicturus est ramos, Diaconus eleuat à dextris fimbriam Pluialis anteriorem; Celebrans verò, dñm dextra signum Crucis facit, ponit sinistram super Altare, ex Rubr. gener. par. 2. tit. 3. nu. 5. pag. 109. & tit. 7. num. 5. pag. 134. In Orationibus nihil est detrahendum, neque mutandum, licet benedicuntur rami arborum, non palmæ, nec oliuarum rami: quia iij rami arborum

succedunt palmarum loco, & à populo eo die vocantur palmae. Neque Romæ (vbi saltem oliuæ benedicuntur, non aliae inferiores arbores) tacentur ea verba in quarta Oratione, ceterarumq; arborum: neque est mendacium, sicuti non est mendacium dicere in Parascene, Ecce lignum Crucis, adhibita tunc Cruce argentea à Celebrante,

12 Circa finem quintæ Orationis, Acolytorum alter accipit de Credentia vas Aquæ benedictæ cum aspersorio, & una cum Thuriferario accedit ad Celebrantem prope Diaconum.

13 Celebrans ponit incensum in thuribulum, deinde ter^d aspergit ramos Aqua benedicta, dicendo Antiphonam, ^e Asperges me sine cantu, & sine Psalmo: & ter^f adolet incenso.

^d Aspergit ramos.] Ordo Rom. accepto nimis aspersorio de manu Diaconi cum solitis osculis & reverentijs. Aspergit autem ter, id est in medio, & à dextris ramorum, & à sinistris eorum.

^e Asperges me.] Submissa voce Versum illum tantum.

^f Adoleat incenso.] Ordo Romanus; eo modo scilicet quo aspersit, nihil di-

cens. Diaconus autem in aspersione & incensatione eleuat fimbriam Pluialis, rursus Celebrans in cornu Epistolæ, vt prius, addit quæ sequuntur in Missali.

Benedictio hæc breuior est quam sit in Ordine Romano; sufficiens tamen, demptis Orationibus, quæ multò plures habentur ibi.

14 Completa benedictione, & dignior ex Clero accedit ad Altare, & dat ramum benedictum Celebranti, qui non genuflectit, nec osculatur manum

num dantis. Postea Celebrans stans ante Altare versus ad populum, distribuit ramos, primum digniori, à quo ipse accepit, deinde Diacono & Subdiacono paratis, & alijs Clericis singulatim per ordinem, ultimò laicis: omnibus genuflexentibus, & ramum ac manum Celebrantis osculantibus,^h exceptis Prelatis, si adsint.

g Dignior ex Clero.] Dignior, qui dat ramum Celebranti, stans in suo habitu sine Stola, eidem stanti dabit, & cum osculo rami ab utroque facto, non manus; deponit autem Celebrans ramum suum in manu Acolythi, & dum alijs aperto capite, ut diximus pag. 238. stans distribuit, Diaconus à sinistris eius ministret eidem ramos, eos tantum osculando, deposito

interim suo ramo super Altare. Alter Acolythus ministrabit ramos Diacono sine osculis.

h Exceptis Prelatis.] Canonici quoque nō osculantur manum Celebrantis Canonici, ex Cœrim. lib. 2. cap. 17.

Si populus est multus, poterit alius Sacerdos mitti, qui distribuat laicis; sed Ordo Romanus à Celebrante distribui iubet.

15 *Postea fitⁱ Procesio. Et primò Celebrans¹ imponit incensum in thuribulum: & Diaconus vertens se ad populum dicit: Procedamus in pace. Et Chorus respondet: In nomine Christi, Amen. Præcedit Thuriferarius^m cum thuribulo fumigante: deindeⁿ Subdiaconus paratus, deferens Crucem, medius inter duos Acolythos cum candelabris accensis: sequitur Clerus per ordinem, ^o ultimò Celebrans cum Diacono à sinistris, omnes cum ramis in manibus: & cantantur sequentes Antiphone, vel omnes, vel aliqua, quousque durat Procesio.*

*i Procesio.] Tradit Ordo Romanus.
l Imponit incensum.] Ministrante Diacono, & Thuriferario, cum benedictione, de more.*

m Cum thuribulo fumigante.] Ut quasi sternat viam Crucifixo sequenti cum odore incensi: vel quasi Christus trahat post se sequentes in odorem vnguentorum suorum.

n Subdiaconus paratus.] Eo modo

quo suprà; & ille idem qui suprà, non aliud defert Crucem inter Acolythos; cuius usum in Procesione antiquissimum docet Baron. anno 398. ut par. I. diximus tit. 19. num. 3. pag. 65. & predicti quatuor deponunt alicubi ramos suos, ut commodiùs gestent alia.

o Ultimò Celebrans.] Cooperto capite, & cum ramis in manibus suis, tam Celebrans quam Diaconus.

16 *In reuersione Procesionis, duo vel quatuor cantores intrant in Ecclesiam, & clauso ostio stantes versa facie ad Procesionem, incipiunt [¶] Gloria, laus. & decantant duos primos Versus. [¶] Sacerdos vero cum alijs extra Ecclesiam repetit easdem. Deinde qui sunt intus, cantat alios Versus sequentes, vel omnes, vel partem, prout videbitur:*

& qui sunt extra, ad quoslibet duos Versus respondent, Gloria, laus, sicut à principio. Postea Subdiaconus hastili Crucis percūit portam: qua statim aperta, Procesſio intrat Ecclesiam cantando R_e.

p Gloria, laus.] Duodecim tantum Versus habet Ordo Romanus, & auctor eorum dicitur fuisse Aurelianensis Episcopus, de carcere idcirco liberatus. lege Durand. libro 6. cap. 67. Quam Historiam describit etiam Baronius anno 835. ex probatis Aucto-ribus.

q Sacerdos cum alijs.] Sacerdos co-

perto capite, Subdiaconus prope portam in medio, versa tunc imagine Crucifixi ad Sacerdotem.

r Percutit portam.] Semel in ima parte portæ, & cum ima parte hastilis, ex Ceremoniali Pap. lib. 2. cap. 39. & Rituali Romano Pauli V. tum ad Altare deponit Crucem prope Creden- tiam, si Missa sequatur solemnis.

17 R_e. Ingredientे Domino, &c. Habet Ordo Romanus.

18 Deinde celebratur Missa, & rami tenentur in manibus dum cantatur Paſſio & Euangeliū tantū.

Ad totam Missam tenebantur rami in Ordine Romano: sed ad Passionem omnino, ut, dum ignominia Crucis narratur, eiusdem victoria per ramos ostendatur. Celebrans autem dum legit in cornu Epistolæ Passionem, palam teneat sinistra manu, Cerimon. Marcell. lib. 2. cap. 41. idem & ministri faciant. Missa habetur in Antiphonario & Sacramentari. Gregoriano; unicaque dicitur Oratio, quæ à S. Ambrosio accepta est, ex Pamelio, de Feria 6. in Parasceue Ambros.

19 In Missa legitur Paſſio à S. Matthæo scripta: nam Alexander Papa instituit, Passionem legi hoc tempore à quatuor Evangelistis scriptam, eodemque ordine quo ipsi scriperunt, Durand. cap. 68. refert S. August. Sermon 144. de Tempore, uno tantum die Passionem legi solitam fuisse, & secundum Matthæum; & cùm ille voluisset eam legi iuxta quatuor Evangelistas, factum quidem est, sed

cum auditorum ob nouitatem perturbatione.

Notæ illæ ☩ C. S. non sunt antiquæ, auctorem habent incertum; & puto eas significare Christum, Chro-nistam, Synagogam; alij, Christum, Cantorem, Succentorem: nam Diaconi dicuntur hodie Cantores Passionis in Cerimon. Vox autem Succendor non est noua aut recens in Ecclesia Latina; quam ego legi inter Dignitates Cathedralis Auersanæ in instrumento celebrato cum Fratribus Minoribus anno 1234. quod habetur apud Lucam VVadingum in Regesto Pontificio ad calcem Annalium Minorum, anno 1235. Bulla 27. Ad cantandam verò Paſſionem eadem obseruanda ferè sunt quæ infra dicimus in Parasceue num. 3. sed Stolæ Cantorum erunt violaceæ. vide ibi. Dilatio enim hæc fit in gratiam nostri Ordinis, qui hodiernam non cantat Missam.

20 Non petitur benedictio, quia auctor

auctor benedictionis extinctus legitur; eademque de causa neque luminaria deferuntur, neque thus adhibetur, ex Ordine Romano, quia feroor denotio- nis in Apostolis tepuerat. Nec dicitur *Dominus vobiscum*, in detestationem male salutantis Iudee; neque gloria Christo datur, qui in Passione est, Durand. ibidem. De omissione *Gloria tibi Domine* scribit Microlog. etiam c. 52. Omnis autem solemnitas in tanta mœ- stitia tollitur; & in fine tantum, mo- re solito, tamquam ad Euangelium Missæ petitur benedictio, incensatur liber, qui &c. osculaadus datur Cele- branti in initio postremæ partis, cum eiusdem incensatione, Durand. ibid. in fine quoque respondetur, *Lauda tibi Christe*. quæ item (excepta incensatione libri & Celebrantis) seruanda erunt in Missis priuatis.

21 Ad legendam autem Passionem in Missa priuata non extinguuntur lu- minaria in Altari, vt ex professo pro- bat Paulus Comitolia in Respons. mor- al. lib. 1. quæst. 49.

22 In fine Missæ legitur Euange- lium variè, vt dicitur part. 1. Rubr. tit. 13. num. 2. pag. 46. nimirum in Missis priuatis Euangelium Palmarum, in solemnii solitum S. Ioannis, & in ijs priuatis, quæ sequuntur imme- diatè benedictionem Palmarum.

23 Mysticè in hac Benedictione, Procesione, & Missa, recole deci- man fuisse Lunam hac die, in qua ducebantur agni in domos immolan- di in Paschate, Exod. 27. & ecce Christus Agnus Dei portatur ad vi- citimam, Ierem. 11. ex Amalar. lib. 1. cap. 10. vnde partim lætitia, ob pal- mas, victoria symbolum, partim mœ- roris est hæc dies; quia includitur in

Ierusalem vt Agnus ad occisionem. Porta Ecclesie clausa, & hostili Cru- cis aperta, designat Ierusalem cæle- stem per Christi Passionem nobis re- feratam. vnde dicitur qd. *Ingredienti- domino in sanctam civitatem*. Reliqua per se patent ex Historia Euangeli- ca, & Benedictione ramorum, id est ex verbis Benedictionis.

24 Sed quid agendum, si Proces- sio extra Ecclesiam exire nequeat? Fiat circum Ecclesiam, & quod ante portam præstandum erat, fiat in vestibulo ante ingressum Cappellæ maioris.

25 Quid item, si Cantores desint ad cantandam Passionem? eo casu Diaconi solus Missæ cantet totam; & ea finita, redeat ad Altare, ac reliqua fa- ciat pro parte postrema, vt Suprà di- Æuni est, & dicemus Feria 6.

26 In Feria quarta sequenti ad Introitum non genuflectitur. Duæ Lectiones leguntur, ex Ordine Romano, vel propter Ordinationes futuras in Sabbato sancto, Durand. cap. 70. vel quia in prima Lectione de morte ani- mæ, in altera de morte corporis agi- tur: Christus autem mortuus est pro redemptione utriusque, Amalar. lib. 1. cap. 11. vel quia ea die venditus est Christus: vnde quasi sit Feria 4. Tem- porum; habet ieiunij dupliceim ratio- nem; & inde sumptum est, quod in ieiunio post sextam Feriam, Feria quarta primum locum obtinet, Durand. loco nunc citato. Tractus post se- cundam Lectionem dicitur, vt in Pa- rasceue, qui, ut alijs diximus, lucretum significat, Ruper. lib. 5. cap. 13.

27 Habes in Antiphonario & Sa- cramentario S. Gregorij Missarum Of- ficia præcedentis tridui.